

神農本草經會通

神農本草經會通卷之一

草部中

天麻○其根形如黃瓜連生一二十枚肉名天麻○
五月採根暴乾其苗名定風草○局云酒浸一宿
焙

味辛氣平無毒○湯同○東云降也陽也療大
風熱頭眩治小兒風癇驚悸祛諸風麻痺不仁主
癱緩語言不遂○又云除脾濕祛風○走云去風
定搐除驚通竅舒筋補勞治癱痺通血除虫○

本經云。主諸風濕痺。四肢拘攣。小兒風癇驚氣。利腰膝。強筋力。久服益氣。輕身長年。○別注云。主諸毒惡氣。支滿寒疝。下血莖。似箭箝。赤色。故莖名赤箭也。○藥性論云。赤箭脂。一名天麻。又名定風草。味甘平。能治冷氣。瘧痺。癰緩不遂。語多恍惚。多驚失志。○陳藏器云。天麻寒。主熱毒。癰腫。搗莖葉傅之。亦取子作飲。去熱氣。○日華子云。味甘。暖助陽氣。補五勞七傷。鬼疰蠱毒。通血脉。開竅。服無忌。○象云。治頭風。○衍義云。凡用。須別藥相佐使。然後

見功。仍須多用之。○丹溪云。氣平和。味苦。一名定風草。卽此是也。其一名赤箭。主諸風濕痺。四肢拘攣。小兒癇驚。及諸虛眩運。非此不能除也。凡使勿悞用御風草。與天麻似。悞服。則令人有腸結之患。慎之。○劄云。天麻辛治驚癇藥。風熱頭眩得此蠲麻痺不仁風可療。語言不遂瘕能痊。○局云。天麻通竅。主諸風濕痺拘攣。亦善攻利膝強筋。仍益氣苗。名赤箭。治功同。○天麻逐諸風濕痺拘攣。赤箭。○一云。天麻苗。○衍義云。天麻苗也。然與天麻

治療不同故後分之爲二。

味辛氣溫。

本經云主殺鬼精物蠱毒惡氣消癰腫下支滿寒

疝下血久服益氣力長陰肥健輕身增年三四八

月採根暴乾。○陶云有風不動無風自搖。○藥性

論云無毒。○丹溪謹按別說云今醫家見用天麻

卽是此赤箭根今本草補注與畱經所載乃別是

一物古方用天麻者不用赤箭用赤箭者卽無天

麻方中諸藥皆同天麻赤箭本爲一物今所用不

相違。然赤箭則言苗。用之有自表入裏之功。天麻則言根。用之有自內達外之理。根則抽苗徑直而上。苗則結子成熟而落。從幹中而下。至土而生。似此粗可識其內外主治之理。

葶藶○臣也。榆皮爲之使。惡蠶。石龍芮。立夏後採實。陰乾。得酒良。用之當炒。凡使勿用赤鬚子。真相似葶藶。只是味微甘苦。葶藶子入頂苦。○局云。紙隔炒香用。

味辛苦。氣寒大寒。無毒。○湯同。○東云。沉也。陰中

陰也。除遍身之浮腫。逐膀胱之留熱。定肺氣之喘促。療積飲之痰厥。○又云。瀉肺喘。通水氣。○珍云。導腫。○走云。利小便。除浮。退熱。下痰涎。積聚。癥瘕。治肺癰欬逆。消皮間邪水。

本經云。主癥瘕積聚結氣。飲食寒熱。破堅逐邪。通利水道。下膀胱水。伏留熱氣。皮間邪水。上出面目浮腫。身暴中風熱痺痒。利小腹。久服令人虛。○陶云。療肺壅上氣。欬嗽定喘促。除胸中痰飲。○藥性論云。葶藶。臣。味酸。有小毒。能利小便。抽肺氣上喘。

息急止嗽。○日華子云。利小腸。通水氣。虛腫。○晉
經云。治肺癰。喘不得臥。葶藶。大棗。瀉肺湯主之。又
崔知悌方。療上氣欬嗽。長引氣不得臥。或遍體氣
腫。或單面腫。或足腫。並主之。葶藶子微炒爲末。清
酒漬服之。量其氣力取微利。一二爲度。○液云。苦
甜二味。主治同。仲景用苦。餘方或有用甜者。或有
不言甜苦者。大抵苦則下泄。甜則少緩。量病虛實。
用之不可不審。本草雖云治同。甜苦之味。安得不
異。○丹溪云。屬火。屬水。性急。善逐水。病人稍涉虛

者。宜遠之。且殺人甚捷。有甜苦兩等。其形則一。經
既言味辛苦。卽甜者不復更入藥也。大槩治體皆
以行水走泄爲用。故不可久服。○同衍義。○創云。
葶藶苦寒消水腫。膀胱留熱更能清。肺家喘促宜
斯用。積飲停痰得此行。○局云。葶藶辛寒能瀉肺。
除痰止嗽用爲良。緣何下水消浮腫。蓋利膀胱及
小腸。○葶藶子。瀉肺消痰去浮下水。

藁本○臣也。惡藺茹。畏青箱子。○正二月採根。暴乾
三十日成。

味辛苦。氣溫。微溫。微寒。無毒。○湯云。氣溫。味大辛。苦。微溫。氣厚。味薄。陽也。升也。太陽經本經藥。純陽。○東云。升也。陰中陽也。大寒氣客於巨陽之經。苦頭痛流於巔頂之上。非此味不除。○又云。除風。治婦人陰痛。○珍云。治頂腦頭痛。遍身風濕。氣雄且壯。行經直至太陽中。○走云。清頭。去痛。伐邪。治癰通血。生肌。療陰腫。腹疼。瘕疝。

本經云。主婦人疝瘕。陰中寒腫痛。腹中急。除風。頭痛。長肌膚。悅顏色。○湯云。辟霧露。潤澤。療風邪。譚

曳金瘡。可作沐藥面脂。○實主風流四肢。正二月
採根。暴乾。三十日成。○藥性論云。藁本。臣微溫。畏
青箱子。能治一百六十種惡風。鬼疰。流入腰痛。冷
能化小便。通血。去頭風。黔炮。○日華子云。治痢疾
并皮膚疵。疥。酒皰。粉刺。○象云。太陽經風藥。治寒
邪結鬱於本經。治頭腦痛。太寒犯腦。令人腦痛。齒
亦痛。○心云。專治太陽頭痛。其氣雄壯。○珍云。治
巔頂痛。此與木香同。治霧露之氣。與白芷同。作面
脂藥治療。○仲景云。清明已前。立秋已後。凡中霧

露之氣皆爲傷寒。又云。清邪中于上焦。皆霧露之氣。神木白木湯內加木香。藁本擇其可而用之。此旣治風。又治濕。亦各從其類也。○丹溪云。味辛苦。陽中微陰。太陽經本藥。治寒氣鬱結。及巔頂痛。腦齒痛。引諸藥上至巔頂。與木香同治霧露之氣。○劄云。藁本微溫。味苦辛。治頭痛於頂巔中。太陽寒客能消散。婦人陰寒痛可通。○局云。藁本除風入四肢。更除頭痛。長膚肌。婦人主療陰寒痛。沐藥仍能作面脂。

秦艽○菖蒲爲之使。畏牛乳。須用長大黃白色。新好。羅文者佳。○根皆作羅文相交。中多銜土。用之熟。破除去。

味苦辛。氣平。微溫。無毒。○湯云。陰中微陽。手陽明經藥。○東云。可升可降。陰中陽也。除四肢風濕。若懈。療遍體黃疸如金。○又云。攻風逐水。除肢節痛。○珍云。養血榮筋。風痺寒邪。肢節痛。手足不遂。新舊攣急。下牙疼。傳屍骨蒸。並兼治之。○聿云。利水。療疸。除風濕。

本經云。主寒熱邪氣。寒濕風痺。肢節痛。下水。利小
便。療風無問久新。通身攣急。二八月採根。曝乾。○
藥性論云。秦艽解米脂人食穀不充。悅畏牛乳。點
服之。利大小便。差五種黃病。解酒毒。去頭風。○肖
炳云。療酒黃。黃疸。大効。○日華子云。味苦。冷。主傳
屍骨蒸。治疳。及時氣。○醫經云。廣利方。療黃。心煩
熱。口乾。皮肉皆黃。秦艽牛乳同煮。去滓。分溫再服。
差。凡黃有數種。傷酒曰酒黃。夜食誤食鼠糞。亦作
黃。因勞發黃。多痰涕。目有赤脉。日益憔悴。或面赤

惡心者是。○象云主寒熱邪氣。○象又云主風濕痺下水利小便治黃病骨蒸治口禁及腸風瀉血去蘆用。○珍云去手陽明經下牙痛口瘡毒去本經風濕。○劄云秦艽辛苦性微溫利水施之亦有功療遍體之金色疸除風濕在四肢中。○局云秦艽能治濕寒風勞熱時行亦善攻治疸消浮何以用蓋緣能使小便通。○秦艽治疸及勞熱時行菊花。○使也木枸杞根桑根白皮爲之使。○正月採根三月採葉五月採莖九月採花十一月採實皆

陰乾○味甘。而花黃。應候開者。入藥。○野菊。味苦者。名苦薏。大傷胃。不堪食。○又白菊。亦入藥。○局云。去枝梗。焙乾。

味苦甘。氣平。無毒。○湯云。苦而甘寒。○東云。可升。可降。陰中陽也。散入風上。注之。頭眩止。兩目欲脫之淚出。○又云。明目。清頭風。○珍云。性寒。明目。治頭風。能養目血。去翳膜。○走云。主頭眩。去風。除熱。安腸胃。治心痛。寬膈。除痛。祛熱氣。○本經云。主風頭。頭眩。腫痛。目欲脫。淚出。皮膚死肌。

惡風濕痺。療腰痛。去來陶陶。除胸中煩熱。安腸胃。
利五脉。調四肢。久服利血氣。輕身耐老。延年。藥
性論云。甘菊花。使。能治熱頭旋。旋倒地。腦骨疼痛。
身上諸風。○日華子云。菊花。治四肢遊風。利血脉。
心煩。胸膈壅悶。并癰毒。頭痛。作枕。明目。葉亦明目。
生熟並可食。○心云。去翳膜。明目。○珍云。養目血。
○丹溪云。屬金。而有土。與水。大能補陰。須味甘者。
若山野苦者。勿用。大傷胃氣。一種青莖而大。作蒿
文氣。味苦。不堪食者。名苦薏。語曰。苦如薏。是也。惟